

յիշատակում է նաև «Arimoi» անունով մի ժողովուրդ, այն եւս այնպիսի կապակցութեան մէջ, որ այդ ժողովուրդի բնավայրը հայերի հնագոյն բնավայրի հետ նոյնանում է:

Հայաստանի նախաբնիկները, խաղերը, Arimi-ի վրայ աւելացրին խաղական ini վերջաւորութիւնը, որ հայերէնում էլ շարունակեց մնալ որպէս ունի (Բագրատ-ունի, Արծր-ունի եւայլն):

Այդ անունը խաղերից առան պարսիկները, սրանցից էլ յոյները, իսկ վերջիններից արդէն բոլոր միւս ազգերը:

Այն հարցին, թէ Շապուհ Բագրատունու անունով հրատարակուած պատմութեան հեղի-

ղինակը ո՞վ է — իրօ՞ք որ Շ. Բ., թէ մի ուրիշը, Ռոթ խոստանում է վերադառնալ առանձին ուսումնասիրութեամբ: Իր գրախօսութեան մէջ նա յիշատակում է ծանօթ կարիքները եւ աշխատութիւնները այդ մասին:

Պիտի մաղթէինք, որ «Հայկականք» հանդէսին յաջողուէր իրագործել առաջադրուած նպատակը, նպաստելով Հայագիտութեան զարգացմանը Արեւմտեան Եւրոպայում: Դրա համար հարկաւոր է, որ Եւրոպայի հայագէտների հետ միասին նաև մերոնք իրենց մասնակցութիւնը բերէին այս ձեռնարկին:

Բերլին

Հ Ա Յ Կ Ե Ա Ն Ք Ը (ԱՄՍԱԿԱՆ ՏԵՍՈՒԹԻՒՆ)

Գրեց՝ ՍԻՄԷԼ ՍԷՂ

«Արձակուրդի» օրերը շարունակում են Հայաստանում: Երկրի վարիչները, օգտաբուր ամառանոցներում, ոյժ են հաւաքում ձմեռուայ համար: Ասպարէզը շարունակում է մնալ երկրորդական մարդկանց — «գեադագիւղաների», ինչպէս իրենց մէջ անուանում են պետերը, եւ բնութեան տարերքին...

Բնութիւնը այնքան էլ բարեացակամ չէ, սակայն, դէպի Հայաստանի ժողովուրդը: Օրինակ, գազանները. ձմեռը գայլերն էին քանդում հայ գիւղացու տունը, ամառը՝ բորեցիներն են գործի անցել:

«Հայաստանի դանազան վայրերում, — գրում է «Սորհրդ. Հայաստան»ը (թիւ 168), — երեւացել են բաւական քանակութեամբ բորենիներ, որոնցից մեծ վտանգ է սպասում: Բորենիներն իջել են սարերից եւ տարածուել են դանազան գիւղերում: Այս տարի նրանց թիւն աւելացել է եւ խոշոր վնասներ են հասցնում: Ամենից շատ դոյութիւն ունին Ղամարլուի, Սարդարապատի եւ Էջմիածնի շրջաններում: Իմանչալու գիւղում բորենիները փախցրել են 12 տարեկան մի աղջիկ եւ հնարաւոր չի եղել նրան ազատել: Նման դէպքեր պատահել են նաև Ղամարլուի շրջանում: Գիշերով բորե-

նիներին երբեմն յաջողում է գիւղական տների կտուրներից փախցնել փոքրահասակներին»:

Ինչպէ՞ս է կուում իշխանութիւնը այս շարիքի դէմ. «Պատրաստում են բորենիների մասին հրատարակել հանրամատչելի գրքոյկներ ու պրակատներ»: «Որսորդական ընկերութիւնը յատուկ շրջաբերականով դիմել է բոլոր գաւրաժիններին եւ հրահանգել է կազմակերպել յատուկ խմբակներ՝ նրանց դէմ ուժեղ պայքար մղելու համար». նոյն Որսորդական ընկերութիւնը «մտադիր է» յատուկ խմբակ ուղարկել Էջմիածնի եւ Ղամարլուի շրջանը:

Պատկերը լրիւ կը լինէր, եթէ պլակատներից զատ որոշուէր նաև կազմակերպել բողոքի միտինգներ «գիշատիչ» դազանների դէմ...

Բորենիներին գործակցում են եւ հիւանդութիւնները. մալարիան շարունակում է աւեր գործել:

Ըստ պաշտօնական տեղեկութիւնների այս տարուայ առաջին կիսամեակում Հայաստանի բոլոր տրօպիկական կայանները այցելել են 87,199 մալարիայով հիւանդներ: Սարսափելի